

Ulloq 27. April

UPA2022/64/120

Utoqqalinersiaqarneq pillugu Inatsisartut inatsisaat nr. 20, 23 november 2015-imeersup allangortinneqarnissaa siunertaralugu Naalakkackersuisut peqquneqarnissaannik Inatsisartut aalajangiiffigisassaattut siunnersuut. Allangortitsinermi utoqqalinersiaqartup aapparisaata isertai naapertorlugit utoqqalinersiaqarnissamut naatsorsuunneqartarnera atorunnaarsinneqassaaq. (Inatsisartunut ilaasortaq Mariane Paviasen, Inuit Ataqtigiit)

Aamma

Matumuuna Inatsisartut suleriaasiat § 33 najoqqutaralugu Inatsisartut aalajangiiffigisassaattut siunnersuut nassiupparput: Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq kingusinnerusukkullu allannguutit ilanngullugit allangortinneqarnissaannik Naalakkackersuisut peqquneqarnissaat pillugu Inatsisartuni aalajangiiffigisassatut siunnersuut, utoqqalinersiaqarneq aapparisaat isertitai tunngavigalugit allangortinneqartarunnaarnissaat anguniarlugu.

(Inatsisartuni ilaasortaq Jens NapätôK', Naleraq)

Siumumiit siunnersuuteqartunut qujalluta imaattumik oqaaseqarfigissavagut.

Siusinnerusukkut utoqqaat pillugit oqalluttarnermi pitsanngorsaasoqartariaqarnera annertuvoq.

Siumumiit isumaqarpugut inatsisiliat inummut kiffaanngissusiaasut pilersuisussanngortitsineruppat imaluunnit qinuloortunngortitsineruppat kikkunnulluunnit aqqut atugassaangitsaq.

Inuit imminut pilersorsinnaasut sutigit tamatigit pilersittariaqarpagut qularutiginagu ikiortariaqartoqarpat pisariaqangippallu pisortat akuliunnissaat inuit inooqatigiit akunnerminni ikioqatigiillutik namminiussusertik atorlugu inuunertik aaqqissuutissagaat.

Utoqqalinersiutit annertussusiat annertussusaanik utoqqartatta ernumaateqarata sinnilimmik ilanngartorneqartariaqanngitsutut Siumumiit isumaqarfigivarput.

Siumumiit utoqqaat atugarisaanik pitsanngorsaanerit ingerlatagut inatsisitigut nalimmassaaneruppata allatulluunnit aaqqissuussineruppata illinerit atugarilikkatta aqqaaniippugut.

Tullinnguuppoq utoqqarnut atugassarititaasut pitsanngorsarnerat inatsisartutigit suliareqqissallugu. Siumumiit siunnerfiuvoq utoqqartagut aqagussaq ernammatiginagu inuunissaat qulakkiissallugu, taamaaliornikkut sulii aningaasatigit atugassarititaasut pitsanngorsassallugit ilaatigit pilersuisussaataanerup iliuuseqarfiginissaa kingusinnerusukkullu inatsisit ataatsimoortut imminnut aporfilersuisinnaasut qulaajassallugit iluarsaavigineqarsinnaaniassammata.



Piffissaq ungasinnerusiq isigalugu utoqqaat amerliartornerisa Nunatta aningaasaqarneranut sunniutissai sillimmartaarfiginiarlugit periuusissap timitalernissaanik suliaqarnerup annertusarneqarnissaa qulakkiissallugu, taamaaliornikkut Siumut qulakkeerinnittuusariaqarpoq patajaatsumik tatiginartumillu iliuusissat tulleriarinerillu aaliangersaaffigilissallugit.

Minitassaangitsorli Siumumiit eqqumaffigalugu suliarissavarput tassaasoq utoqqalinersiaannarnut utoqqarnut pitsanngorsaanerit ingerlanneqassanngimmata, utoqqaalli Nunatsinni sineriasuatsinniatsinni sumiiffimmini Kommunit peqatigalugut atugaasa pitsanngorsarnissaat. Tassunga suliamut partiit ataatsimoorluta aningaasanik immikkoortitsinissamik suleqatigiittariaqarpugut taamaaliornikkut suliniutit timitalernissaat qulakkeerniarlugu.

Taamatut oqaaseqarluta siunnersuutit ataatsimiisitalianut susassaqartunut ingerlateqqippagut

Hans Peter Poulsen

Siumut